



I gat ol nogud samting olsem rabis fasin long saed blong seks, o fasin blong rabem o profite long narafala man, o fasin blong hambag o stap aftarem wan narawan from seks, mo ol fasin ya i stap tekem ples long laef finis, be naoia oli stap tekem ples long intanet tu. Be nomata se ol samting ya oli tekem ples long wanem taem o wanem ples o olsem wanem, yumi stanap strong blong talem se oli nogud nomo, oli neva stret. Sipos samting olsemia i hapen long yu, o long wan narafala man we yu save, yu mas ripotem i go long ol polis.

Mo i gud blong tingbaot tu se sipos yu fesem wan taem we oli mekem rabis fasin long yu, o oli profite long yu o oli rabem yu, o oli hambag long yu, from seks, hemia i no fol blong yu, mo i gud blong yu traem faenem sam sapot blong helpem yu blong dil wetem.

Rabis fasin – hemia i minim se wan i traem fosem wan narafala wan from seks, we i save inkludum holem nogud o tajem bodi blong wan we i no wantem oli tajem hem, mo tu i save go kasem we wan i traem repem narawan, o iven wan i repem fulwan narawan. Sipos yu wan pikinini, i no stret blong wan narafala man i traem mekem yu lukluk long sam rabis pija mo i tabu blong sanem ol pija olsem i kam long yu long intanet.

Profite – hem i minim taem we i gat wan we i yusum posisen blong hem o paoda blong hem blong yusum narafala man blong karem samfala harem gud o samfala benefit long hem long saed blong seks. Eksampol, maet wan pesen we i olsem wan big man long yu, olsem wan tija, i stap pem ol samting blong yu blong mekem yu letem hem i tajem nogud bodi blong yu o i tekem sam sikret foto long bodi blong yu, be afta maet hem i winim mani long hem o i aplodem i go long ol ples we ol rabis foto i stap long hem long intanet. I no gud blong wan i traem fosem yu blong yu givim sam samting long hem o blong yu mekem sam samting long hem we yu harem se i nogud blong mekem, mo yu mas save se sipos i gat wan we i stap mekem yu yu fraet, hemia i no wan gudfala pesen mo hem i stap wok folem sam rabis tingting blong hem nomo. Lukaot gud long ol pipol we oli luk olsem oli stap traem naes tumas long yu, from maet oli stap giaman nomo. Samfala rabis pipol bae oli save traem winim yu o oli switim yu from we nomo oli wantem yusum yu, olsem maet oli wantem karem samfala rabis foto long yu.

Hambag – hem i minim taem we wan pesen i save se yu no intres long hem, be hem i traem mekem sam muv from seks, o i askem seks o i fos blong havem seks, o i mekem sam samting we i soemaot tingting blong hem long saed blong seks, nating we yu no wantem.

Sipos yu nidim moa infomesen, yu onge lukluk ongo lplles ya:

<https://www.facebook.com/safety/StopSextortion>
<https://www.netsafe.org.nz/image-based-abuse/>
<https://www.netsafe.org.nz/grooming/>

Wan samting we i tabu tumas, hem i taem we oli putum sam foto o muvi long intanet we ilm malmal blong ol pikinini long wan wel we i nogud o we maet samfala lipol i gat rabis tingting long hem. Sipos yu luk wan samting olsem, yu mas mekem wan ripot loig hem i go long polis.

Folem loa raon long wol, taem we yumi talem plkinini i minim se wan we yia blong hem i no kasem 18 yet, be sipos wln kantri i talem wal namba we i hae bitim hemia, yumi folem nomo.

Tingbaot llaem:

1. Hem i NO STRET blong sanem ol rabis foto o muvi lonl wan we hem i no askem, hemia i minim ol foto blong ol malmal o blong olgeta we oli stap mekem samting long saed blong seks.
2. Hem i NO STRET tu blong wan i traem fosem wan narafala man blong sanem ol rabis foto o muvi i kam long hem, we i gat ol malmal o olgeta we oli mekem seks insaed long hem.
3. Hem i ORAET blong yu talem 'nogat' sipos yu wantem talem olsem, mo yu mas mekem wanem nomo we yu wantem mekem mo yu harem se i gud long yu blong mekem.

Wanem Nao Mi Save Mekem?

1. Yu mas trastem yu wan wetem tingting mo save we yu gat. Sipos wan i mekem sam samting we yu harem nogud long hem o yu harem se i stap mekem se yu no sef, yu mas lesen gud long tingting blong yu mo yu mas biliv strong long yu wan.
2. Tekem aksen mo lukaotem samfala help. Sipos i gat wan taem we yu nao yu fesem rabis fasin, o yu fesem fasin blong profite o hambag, maet long intanet o maet long laef, i gud yu talemaot long wan we yu trastem se bambae hem i save sapotem yu blong dil wetem situesen ya.
3. Ripotem evri nogud fasin, wetem ol toktok blong tretinem o talem nogud wan narafala man we yu luk long intanet, mo blokem eniwan we i tretinem yu o i talem nogud yu long sosel media, blong oli nomo save kontaktem yu. Blong kasem moa infomesen long olsem wanem blong mekem ripot long Fesbuk, yu save go long Ples blong [Kasem Sapot](#). Maet yu intres tu blong ridim sam rul long saed blong wanem we olgeta blong Fesbuk oli alaodem mo wanem we oli no alaodem, olsem ol [Stret Standard](#) blong folem long Fesbuk.

